



**Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 2/2025-mik Inatsisartut ilaliinissaannik siunnersuut:**

**Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutigaa,**

- **Nunani avannarlerni killerni naalakkersuisunut ilaasortat attaveqaasersuutitut inuiaqatigiit ingerlanneqarnerannut pingaarutilinnut, internettimut nalunaarasuartaatigullu attaveqaatinut, akisussaasut naapissasut Atlantikullu avannarpasinnerusortaani attaveqaqatigiinnermut internettimullu attaveqaasersuutit inuiaqatigiinnut pingaarutillit, minnerunngitsumik imaatigut kabelit qaammataasatigullu attaveqaatit, isumannaassusiat oqallisiginiarlugu,**

- **Nunani avannarlerni killerni naalakkersuisunut ilaasortat attaveqaasersuutitut inuiaqatigiit ingerlanneqarnerannut pingaarutilinnut akisussaasuusut naapinnerminnut atatillugu misissussagaat Atlantikup avannarpasinnerusortaani nunat imaatigut kabelii qaammataasatigullu attaveqaataat eqqarsaatigalugit sillimaniarneq upalungaarsimanermullu pilersaarutit pillugit suleqatigiinnissamut tunngavissaqarneraq.**

(Aallartitat siulittaasuat Pipaluk Lyngø)

(Siullermeerneqarnera)

Nunat Avannarliit Killiit Siunnersuisoqatigiiffiata kaammattuutit aalajangersagaanut qujanaq.

Attaveqaasersuutit pingaarutillit toqqissimanissatsinnut pingaaruteqarluinnartuupput aammalu, inuiaqatigiit ingerlalluarnissaannut. Internetti, nalunaarasuartaatikkut atassuteqarneq, imaatigut kabelit qaammataasatigullu attaveqaatit teknikkikkut atortuinnaajunnaarnikuupput. Peqqinnissaqarfitta, upalungaarsimasuutitatta, aningaasaqarnitta ulluinnarnilu attaveqarnitsinnut toqqammaviit ilagilersimallugit.

Nunarsuarmi politikkikkut pissutsit suli pingaarnerulersippaat, taassuma ilungersunartutut tigunissaanut. Kalaallit Nunaat, Savalimmiut aamma Island Atlantikup avannarpasissuani pingaarutilittut inissisimapput, tamattalu avammut attaveqarnitsinni attaviit allanngoranngitsut pisariaqartillugit. Attaviit taakku eqqorneqarpata, kingunissaat imaannanngitsooriaannaapput.

Taamaattumik paasinarpoq, nunat avannarliit killiit ministeriisa attaveqaasersuutitut pingaarutilinnut akisussaaffimmik tigummisut naapinniarnerat isumannaallisaaneq, upalungaarsimaneq suleqatigiissutaasinnaasullu eqqartorniartugit. Nukittunerusarpugut, ilisimasaniq, ataqatigiissaarinermut avitseqateqarsinnaagaangatra aammalu ataqatigiinnermik takutitsinnaagaangatta.



Tassungalu ilutigalugu Demokraatit kaammattuutigerusuppaat, ataatsimiinneq taamaattoq sapinngisamik qarasaasiakkut ingerlanneqassasoq. Oqaluuserisassaq pingaartuuvoq, allanngortinneqarsinnaanngilarli, pisortat aningaasaataasa akisussaassusilimmik atorneqartussaannerat. Siunertarineqartoq piviusunngortinneqarsinnaappat angalanernut aningaasartuutit annertuut atornagit, soorunami tamanna toqqartariaqarparput.

Taamatut oqaaseqaateqarlutik Demokraatit siunnersuut akuereqqullugu innersuussutigaat.